



歷史 / 滄海叢刊 / 東大圖書公司印行



古史地理論叢

錢
穆著



古史地理論叢

錢穆著

1982

東大圖書公司印行



滄海叢刊

中華民國七十一年七月初版

古史地理論叢

基本定價叁元叁角叁分

必翻所辦
列國華聯

著者 錢 莊
發行人 剛 穆
出版者 東大圖書有限公司
總經理 三民書局股份有限公司
印刷所 東大圖書有限公司

臺北市重慶南路一段六十一號二樓
郵政劃撥一〇七一七五號

行政院新聞局登記證 版業字第〇九一七號

序

憶余在民國十一年之秋，任教於廈門集美學校，始讀船山遺書，於其辨屈原沉湘乃在漢水，不在洞庭，而深有契悟，乃草小文一篇刊載報端。越四五年，撰述先秦諸子繫年，詳申其義。因念古代民族遷徙，以舊居之名名其新邑，此為古史每多異地同名最好一說明。先秦諸子繫年既成書，乃續為周初地理考、古三苗疆域考諸篇，則已在民國二十年之後。而其時則國事日非，羣言厖雜，意所欲陳，紛起疊乘，考治古史地名之業，遂棄置不復理。至民國二十八年秋，余自昆明返蘇州，迎母奉養，杜門不出，寫成史記地名考一書。是為余治古史地理最後一著作。上距討論楚辭地名，則先後亦達十二年之久。此後再不復為。年逾八十，雙目失明，不能

見字，但念舊稿雖非時代所需，而要為治古史者一大綱目。余之所論，雖引端於船山，而凡所發現，則實為古今所未及，遽爾散棄，亦誠可惜。遂將舊存諸篇彙集付印。亦有成稿後絡續增加材料多達數十節，囑及門何君澤恆斟酌編入篇中，而余則已無可細為裁奪矣。有關此等材料，搜羅難盡，凡所論列，亦容有誤，但得者最少當占十七八，失者最多不過十二三，則惟待後人續治此業者之再為訂正矣。遙計初治此業，距今已逾六十年，此亦當時心力所注，撫卷豈勝愴然。

民國七十一年春三月識於臺北士林外雙溪之素書樓錢穆

古史地理論叢 目次

古史地理論叢部甲

周初地理考 一

古三苗疆域考 七二

楚辭地名考 九六

古史地理論叢部乙

黃帝故事地望考 一三四

雷學淇紀年義證論夏邑鄩鄩 一四〇

西周戎禍考上（附辨春秋前秦都邑） 一五一

西周戎禍考下（附西周對外大事略表） 一五七

重答李峻之君對余周初地理考之駁難	一七一
再論楚辭地名答方君	一八〇
秦三十六郡考	一九三
秦三十六郡考補	二〇五
中國史上之南北強弱觀	二〇九
水利與水害（上篇：論北方黃河）	二二二
水利與水害（下篇：論南方江域）	二三四
跋康熙丙午刊本方輿紀要	二四五
禹貢山水雜說	二五二
蒼梧九疑零陵地望考	二六〇
說 邢	二六五
說滇與昆明	二六七
古豫章考	二七一
漢初侯邑分布	二七三
提議編纂古史地名索引	二七九

古史地理論叢部甲

周初地理考

分 目

一、總 說：

1. 周人起於晉，而舊誤以爲在秦，故言周初地理者紛歧無定說。

2. 古史地名皆由民族遷徙，遞移遞遠，如山東、山西皆有歷山，皆爲舜跡，卽其例。

二、姜 氏 篇：

3. 炎帝烈山以聲變轉爲厲山、界山，在山西介休，後誤以爲介推焚山事。

4. 神農後帝榆罔國榆次，屬太原。

5. 伯夷卽許由，其冢在箕山，屬解州平陸。

6. 姜姓四岳其先皆在晉。

7. 古惟霍山稱太嶽，四岳之稱起於周。

8. 姜嫄爲有邰氏女，卽臺駘氏，其墓在聞喜。

三、后稷篇：

9. 后稷產聞喜，始教穡在稷山。

10. 漢祠汾陰后土，其故事源於后稷。

11. 古稱大夏在河東，太原乃涑域，涑水亦稱管水。

12. 禹事之附論。

13. 禹會會稽，非浙江紹興，以呂覽九山九塞爲說。

14. 會稽本稱茅山，在河東。古越地亦在河東，乃夏之聲變。

15. 舜陟方乃死，卽丹朱封國房。葬蒼梧在安邑。

16. 禹會諸侯，與丹朱封國，舜死地，皆近。

17. 鯀化羽淵，禹娶塗山，皆在河南，爲夏故土。

18. 禹治水功績，其最先傳說當在山西之蒲解。

19. 稷教穡，禹治水，地望相毗，皆在河東洮域。

四、公劉篇：

20. 公劉居豳，爲避夏桀，證其先在晉疆。

21. 不窋失官，自竄戎狄之間，仍在晉。

22. 夏桀時犬戎入居邠岐，岐爲狐岐山，在汾域。

23 禹貢治梁及岐，爲呂梁、狐岐，證古稱狐岐爲岐山。

24 狐岐由狐戎得名。

25 豳字本作邠，因臨汾水爲邑而名，與邠鄴一例。

26 春秋時周人自述先世西土所極，止於岐畢，不舉豳，證豳在岐畢東。

27 據漢志右扶風栒邑有豳鄉，推證古邠邑近河東荀城。

28 邠在河東臨汾古水之濱，公亶父居之，稱古公。

29 古水東有梗陽城，爲太姜邑。

30 公劉詩于胥斯原，于京斯依，爲晉九原，一名九京，卽古山，又稱鼓堆。

31 詩稱篤公劉，與古公亶父同例，皆以邑名。篤董聲轉，推公劉先居董澤，在涑域。

32 涑水經周陽邑，卽不窋所奔，至公劉乃遷汾。

33 公劉詩涉渭爲亂，芮鞠之卽，始爲周人渡河而西之證，在公劉後。

34 漢美陽得古鼎，張敞誤說。

35 豳風七月乃晚起晉詩。

五、太 王 篇：

36 詩縣民之初生，自土沮漆，在朝邑華陰之間。古公亶父，陶復陶穴，「古公亶父」四字衍。

37 來朝走馬，爲朝邑之朝阪。

38 詩皇矣度其鮮原，居岐之陽，在咸陽北。

39. 成王岐陽之蒐，卽在鮮原、畢陌，爲豐鎬近畿。

40. 宣王獵漆沮，在朝邑華陰之間，不在扶風。

41. 岐周亦與鮮原、畢程同屬一地。

42. 禹貢荆岐既旅，荆山在朝邑，岐山卽峨山，在涇陽。

43. 平王封秦襄公爲諸侯，賜之岐以西之地，岐卽岐豐，太王所遷，非美陽岐邑。

44. 太王去邠，踰梁山，在韓城。

45. 西周周召采邑，皆在陝西鳳翔府境，故周初地名多移殖於此。

六、王季篇：

46. 縣詩混夷兌矣，卽王季所伐西落鬼戎，爲周人渡河後新敵。

47. 殷高宗伐鬼方，次于荆，乃陝西荆山，鬼方卽鬼戎，在涇渭下流。

48. 槐里、犬邱、槐谷、鬼谷，皆以鬼戎得名。

49. 據大小孟鼎、梁伯戈推論鬼方居邑，辨王國維說。

50. 王季伐燕京戎，卽太王所避之狄，在太原汾水上流。

51. 犬戎卽燕京戎，其族起於東，在汾域，而分殖於西，至渭域。

52. 古九夷有吠夷，亦稱東夷，後人以爲西羌，證古代戎患起於東北，不起於西土。

53. 古太原晉陽本稱燕，爲諸戎根據。

54. 王季伐余無、始呼、翳徒諸戎皆在晉。

55 熏粥、玃狁、淳維、匈奴皆一族，與犬戎、鬼方、混夷皆由燕聲遞變。

56 詩六月整居焦穫，侵鎬及方，鎬爲高都，方乃安邑，穫則獲澤，爲赤翟居地，卽燕戎之東支。

七、文王篇：

57 文王母太任，妻太姒，皆出東國。生岐周，卒畢程，皆在東土。

58 詩皇矣密人不恭，侵阮及共，密、阮、共皆在涇水下流，近豐鎬。

59 呂尙河內人，釣滋水遇文王，卽霸水，在渭水下流，不在寶雞。

60 武王伐紂，及庸、蜀、羌、髳、微、鱘、彭、濮人，皆在周之東南，大河兩岸，非西南僻遠之蠻夷。

一、總說

(一)

言周初地理者，無弗謂后稷封郃在武功，公劉居豳在邠縣，太王遷岐在岐山，皆在今陝西西郃涇渭上流。至文王武王乃始邑於畢、程、豐、鎬。周人勢力自西東漸，實始於此。此二千年來公認之說，未有疑其爲不然者。然吾嘗讀書之禹貢，詩大雅之緜、公劉諸篇，及於梁、岐、漆、沮，周初地望，衆說紛紜，莫衷一是，何其亂而難理也。又嘗會之於左氏、紀年、孟子、史記，凡古籍之稱及周初行跡者，衆說綦淆，一貫之要難。積疑既久，而後知二千年公認之說，亦未見其固可據也。以今考之，周人蓋起於冀州，在大河之東。后稷之封郃，公劉之居豳，皆今晉地。

及太王避狄居岐山，始渡河而西，然亦在秦之東境，渭洛下流，自朝邑西至於富平。及於王季、文王，廓疆土而南下，則達畢、程、豐、鎬，乃至於穀、洛而止。夫而後禹貢、大雅、左氏、紀年、孟子、史記諸書，乃始可通。而周人行跡所經，及夏商周三代盛衰興亡，華戎勢力消長角逐之勢，乃始可得而明也。其說雖創，其證則密，請得而申論之！

(一)

蓋古人遷徙無常，一族之人，散而之四方，則每以其故居逐而名其新邑，而其一族相傳之故事，亦遂隨其族人足跡所到，而遞播以遞遠焉。此其例不遑枚舉，姑舉其著者，如舜：舜，冀州之人也。耕歷山，漁雷澤，陶河濱，妻堯二女於嬀汭，其事皆在今山西之蒲州。然今山東濟南有歷城，潞水出焉，俗謂之娥姜水，以泉源有舜妃娥英廟故也。城南對山，山上有舜祠，山下有大穴，謂之舜井，舜耕歷山亦云在此，其山在縣南五里，其鑿鑿如此。然而後人不之信者，以蒲州之傳說並存弗替故也。使蒲州之跡早泯，而歷城之說獨著，則舜固可以爲魯人。其他類此者多矣。若夫西秦、豳、岐、漆、沮種種之說，亦潞源、娥姜水、歷山、舜井之例也。而不幸冀州周初古跡，則年遠荒晦，鮮有存者。卽復有存，人亦莫之知。卽復知之，亦復不敢信。而周起西裔之說，遂若無可置疑。然苟爲之博稽古籍，條貫而通說之，將見二千年長湮之史實，終將復白於後世也。

二、姜氏篇

(三)

周人之先爲后稷，后稷母曰姜嫄，今請先言姜！姜姓諸族，蓋亦居晉。神農，姜氏之著也，而神農之帝亦在晉。何以言之？神農炎帝稱烈山氏。左傳昭公二十九年，晉太史蔡墨之言曰：「有烈山氏之子曰柱，爲稷，自夏以上祠之，周棄亦爲稷，自商以來祠之。」魯語記展禽之言亦云然。禮祭法則曰：「厲山氏之有天下也，其子曰農，能殖百穀。」賈逵鄭玄皆云：「烈山，炎帝之號。」左氏魯語謂其子柱，祭法曰農者，劉炫云：「蓋柱是名，其官曰農，猶呼周棄爲稷。」一統志：「厲鄉在德安府隨州北，今名厲山店。」酈道元水經注卽以厲鄉爲烈山氏生處。今考古帝傳說，皆在冀州，姜氏諸族，其後可考者，亦多在冀，而稼穡故事，亦始冀州，何以烈山氏生於隨州之厲鄉？蓋晉地亦有隨。左傳隱公五年，翼侯奔隨，一統志：「隨城在汾州府介休縣東，後爲士會食邑」，此晉地有隨也。山西通志謂春秋初，晉地甚小，翼侯所奔，不能至介休，其說是否勿論，要以見介休之有隨。後漢書郡國志介休有界山，有縣上聚子推廟。厲之與烈，界之與厲，皆以聲轉相通。周官山虞：「物爲之厲」，鄭注：「每物有著界也」，此以厲界聲通互訓。

然則介休之界山，卽厲山、烈山也。其地本在近晉之隨城，後乃誤而逐之於德安之隨，則猶歷山之自蒲而之歷也。又考日知錄卷三十一縣上條，稱其山南跨靈石，東跨沁源，世以爲之推所隱，而漢魏以來，傳有焚山之事，太原、上黨、西河、雁門之民，至寒食不敢舉火，而顧氏頗不信子推隱其地。竊疑漢魏以來相傳焚山之事，卽自古烈山氏之遺說也。古之稼穡，其先在山坡，以避水潦，烈草木而火種曰菑畬，故神農氏又稱烈山氏。後既以烈山爲厲山界山，乃誤及於介之推，因以炎帝之「烈山」，誤傳爲介推之「焚山」也。（日知錄卷二十五介子推條，於燔山立枯事亦有辨。）此姜姓炎帝烈山氏，其傳說故事始於晉之說也。

(四)

神農之後有帝榆罔，其居亦在晉。左傳昭公八年：「石言於晉魏榆」，杜注：「晉魏邑之榆地。」地理志榆次、界休同屬太原。吳卓信補注引汲冢周書云：「昔烈山氏帝榆罔之後，其國爲榆州。曲沃滅榆州，其社存焉，謂之榆社。地次相接者，爲榆次。」其地有梗陽鄉，魏戊邑，汾水所逕。竊疑梗陽者，亦姜字之音變也。

(五)

神農氏之後，姜氏之著者有四岳。舊說伯夷稱太岳，爲八伯之長，而伯夷卽古所傳許由也。

此宋氏翔鳳已言之。宋氏之說曰：「春秋左氏隱十一年，夫許太岳之允也。申、呂、齊、許同祖，故呂侯訓刑稱伯夷禹稷爲三后，知太岳定是伯夷也。墨子所染篇，呂氏春秋當讓篇並云舜染於許由伯陽，由與夷，夷與陽，並聲之轉。尙書大傳之陽伯，墨呂之許由伯陽，與書之伯夷，正是一人。伯夷封許，故曰許由。史記堯讓天下於許由，本莊子，正傳會咨四岳巽朕位之語。百家之言，自有所出。周語太子晉稱共之從孫四岳佐禹。又云胙四岳國，命爲侯伯，賜姓曰姜，氏曰有呂。史記齊太公世家云，呂尙其先祖嘗爲四岳，佐禹平水土，虞夏之際封於呂，姓姜氏。此云四岳皆指伯夷。蓋伯夷稱太岳，遂號爲四岳，其實四岳非止伯一人也。」（過庭錄）余考大戴少間之篇：「文王伐崇、許、魏。」崇在陝西，而魏則河內晉境。許魏連稱，其在冀州晉地可知。堯讓天下於許由，許由不受，避之箕山，太史公曰：「余登箕山，其上蓋有許由冢」，蓋箕山亦晉山也。左傳僖公三十三年：「狄伐晉及箕」，成公十三年，呂相絕秦曰：「入我河縣，焚我箕、郛」，則箕乃晉河上之邑。（據日知錄卷三十一箕字條。）方輿紀要箕山在解州平陸縣東北九十里，縣志山有許由冢，是矣。其後許封河南，箕山遂亦南遷，及於潁陽，非其本也。

（六）

水經陰溝水注引世本：「許、州、向、申，姜姓也，炎帝後。」左傳隱公十一年：「王與鄭人蘇忿生之田，溫、原、緄、樊、隰郕、攢、茅、向、盟、州、陘、隤、懷」，杜注：「凡十二邑。」

攢、茅、隕屬汲郡，餘皆屬河內。」此向、州爲晉邑也。莊子讓王篇：「堯以天下讓許由，許由不受，又讓於子州支父」，州支父蓋亦姜姓之族歟？當時傳說堯讓天下於四岳，故旣言許由，復有州支父矣。其逍遙遊篇復言之曰：「堯見四子藐姑射之山，汾山之陽，窅然喪其天下。」彼所謂四子者，殆亦指四岳耳。此皆足證四岳姜姓，炎帝之後，其居在晉也。

(七)

抑四岳之稱，實昉於周，而後之言史者，乃推而上引，及於唐虞。周人四岳，則本諸太姜。國語周語富辰之言曰：「齊、許、申、呂由太姜」，太姜者，周太王之妃，王季之母也。是四國者，由太姜而封。何以謂之四岳？曰：岳者，古晉人謂霍太山亦曰太嶽山，禹貢「旣修太原，至於岳陽」是也。崧高之雅亦言之，曰：「惟嶽降神，生甫及申」，甫卽呂也。姜氏之先居近太嶽，故曰「維嶽降神」矣。其後呂尙封於齊，而齊亦有泰山，亦得嶽稱。自是而有四嶽，有五嶽。引而益遠，彌異其初。史記晉世家集解引世本，謂叔虞居鄂，卽大夏。今漢北有鄂，晉南亦有鄂，夏人固自漢北遷晉南者。而許由伯夷之於唐堯，遂亦爲四岳之長，八伯之首也。今第勿深論，而四岳姜姓，其先居於晉，則斷可言者。晉有呂甥，其後有呂相。續漢書郡國志注云：「河東郡永安故堯，博物記曰有呂鄉，呂甥邑也。」地理志：「堯，霍太山在東，冀州山。」程恩澤國策地名考：「左傳呂卻畏逼，今霍州西三里有呂鄉，西南十里有呂城，或謂呂卽陰邑，州